

অতএব মায়ার আশ্রয় স্বীকার করিতেই হইবে। সেই আশ্রয়টীও ভগবান।  
 যেহেতু শ্রীভগবদগীতায় “মম মায়া ছরত্যা—এই উল্লেখ থাকায় মায়াটী  
 যে ভগবানেরই শক্তি, তাহা বেশ বুঝাই যাইতেছে। শ্রীভগবানের প্রভাবনা-  
 শক্তির নামই মায়া, অর্থাৎ যে শক্তিদ্বারা বিমুক্ত হইয়া আমরা সত্যবস্তুর  
 অসত্য, সুখকে দুঃখ, পরকে আপন, অড়কে চেতনবুদ্ধি তারই নাম মায়া।  
 যতাপি মায়া জড়প্রকৃতি, চিৎপ্রকৃতি জীবকে আবরণ করিতে ক্ষমতা তাহার  
 নাই, তথাপি পরমেশ্বরের আজ্ঞাশক্তিসম্বলিত হওয়ায় তাহার সেই ক্ষমতাটী  
 প্রকাশ পাইয়াছে। মায়া বিনাদোষে জীবের স্বরূপাবরণ করে নাই; যে  
 জীব ঈশ্বরবহিমুখ, সেই জীবেরই প্রতি মায়া নিজের প্রভাব প্রকাশ করিয়া  
 থাকে। অতএব, যতদিন পর্য্যন্ত ঈশ্বরবহিমুখতা নিবৃত্ত না হইবে, ততদিন  
 পর্য্যন্ত মায়াকৃত আবরণ-নিবৃত্তির অন্য কোনও সম্ভাবনা নাই। অতএব,  
 যখন ঈশ্বরের মায়াকর্তৃক স্বরূপাবরণ-জন্যই জীবের ভয়াদি উপস্থিত হইয়াছে,  
 তখন বুদ্ধিমানজন সেই ঈশ্বরকেই ভক্তি করিবে; তাঁহার অনুগ্রহেই মায়ার  
 নিবৃত্তি ঘটে। এই অভিপ্রায়ে শ্রীভগবদগীতাও বলেন—“মামেব যে  
 প্রপত্তস্তে মায়ামেতাং তরন্তি তে”। হে অজ্ঞান! যাহারা আমার চরণে  
 স্রবণ লইতেছে, তাহারা আমার এই দুর্লভ্য মায়াকে উত্তীর্ণ হইতেছে।  
 লৌকিকী মায়াতেও দেখা যায়—মায়াবীর আশ্রয় গ্রহণ না করিলে, মায়-  
 রহস্ত উদ্ঘাটন করিতে পারা যায় না। যেমন—কোনও একটী ঐন্দ্রজালিক  
 ঐন্দ্রজাল বিছায় অনেক কুহক দেখাইতেছে, অনেক সুশিক্ষিত লোকও সেই  
 কুহকে বিমুক্ত হইতেছে। ঐ লোক যতক্ষণ পর্য্যন্ত সেই ঐন্দ্রজালিকের আশ্রয়  
 গ্রহণ না করিবে, ততক্ষণ পর্য্যন্ত পাণ্ডিত্যাদি প্রভাবে মায়িক রহস্তভেদে  
 সমর্থ হইতে পারে না। তেমনই পরমেশ্বরের শরণাগত না হইলে জ্ঞান,  
 বৈরাগ্য, তপস্কার বলে মায়ার আবরণ হইতে নিষ্কৃতি পাইবার কোনও  
 সম্ভাবনা নাই। পরমেশ্বরের ভক্তিটীও অব্যভিচারিণী হওয়া চাই।  
 যেমন—অব্যভিচারিণী সতী রমণী নিজের পতিটী ছাড়া অন্য কোথাও  
 মনের সঙ্কল্প করে না, তেমনই শ্রীকৃষ্ণ ভিন্ন অন্য কোন বিষয়ে সঙ্কল্প না  
 থাকার নাম অব্যভিচারিণী ভক্তি। সেই ভক্তিটী পাইবার একমাত্র উপায়  
 শ্রীকৃষ্ণচরণের সেবা করা অর্থাৎ শ্রীকৃষ্ণই যাহার ঈশ্বর অর্থাৎ পনমারাধা  
 এবং পরমপ্রিয়, সেই জনই শ্রীকৃষ্ণচরণে অব্যভিচারিণী ভক্তিজাতির  
 অধিকারী।